


Ҳаргиз касодга учрамайдиган тижорат



11:03 / 04.06.2021 1992

Аллоҳ таоло Қуръони Каримда марҳамат қиласиди:

اَرْسُ مُهَاجِرَ اَمْ اُقَفَنَ اوَّلْ صَلَا اُمَّا قَأْوَلْ لَلَّا بَاتِكَ نُولْتَيْ نِيَذْلَا نِإِرْ رُوبَتَ نَلْ َرَاجَتَ نُوحْرَى َكِينَالْعَ وَ

«Албатта, Аллоҳнинг китобини тиловат қиласиганлар, намозни тўқис адо этиб, Биз уларга ризқ қилиб берган нарсалардан махфий ва ошкора инфоқ қиласиганлар, ҳаргиз касодга учрамайдиган тижоратдан умидвор бўлурлар» (Фотир сураси, 29-оят).

Учта тијорат зарар күриш нималигини билмайды:

1. Қуръон қироати.
 2. Намоз.
 3. Инфок.

«Албатта, Аллоҳнинг китобини тиловат қиласиганлар»

Яъни, бу оятда Аллоҳ таолонинг Ўз Китобида буюрганларига эргашиб, уни амалга оширадиганлар ва қайтаргандаридан четда бўладиганлар, Қуръондаги хабарларни тасдиқ этадиганлар, Қуръоннинг ҳақлигига иймон

келтирадиганлар, Қуръонни тиловат қиласиганлар, ўқиб-ўрганадиганлар, маъноларини тушунишга уринадиганлар ҳақида гап бормоқда. Қолаверса, «тиловат қиласиганлар» деб таржима қилинган сўз оятда **نُوْلَتْ يَنْ** тарзида ҳозирги-келаси замон феълида келган. Бу эса тиловатнинг доимий, мунтазам равишда бўлиши кераклигига ишора қиласи.

«Намозни тўқис адо этиб»

Аллоҳнинг Китобини тиловатидан сўнг намоз ҳақида сўз бормоқда. Оятга эътибор берсак, «намоз ўқиб» дейилмаган, балки **«намозни тўқис адо этиб»** дейилган. Демак, намоз ўқиш билан намозни тўқис адо этишнинг ўртасида фарқ бор. Намозни тўқис адо этмоқ дегани намозни қоим қилмоқ деганидир. Яъни биз адо этадиган намоз қоим намоз, тик турган намоз, рукнлари ўз ўрнига қўйилиб, хушуъ-хузуъ билан адо этилган намоз бўлиши керак. Шошилиб, рукнлари нуқсон билан бажарилиб, зикрлари чала айтилган намоз бўлиб қолмаслиги лозим. Зоро, намоз Диннинг устуни, мусулмонларнинг нури, мўминнинг меърожидир.

«Биз уларга ризқ қилиб берган нарсалардан махфий ва ошкора инфоқ қилганлар»

Яъни, Аллоҳ таоло ато этган молу дунёдан, озиқ-овқатдан, кийим-кечакдан қариндошларга, мискинларга, етимларга ва бошқаларга инфоқ, садақа бериш лозим. Бу садақа закот, каффорот, назр, фитр, фидя ва бошқа садақалар бўлиши мумкин. Буларни махфий тарзда ва ошкора тарзда, яъни доимий равишда бериш талаб этилади. Ана шундай амалларни адо этадиганлар

«ҳаргиз касодга учрамайдиган тижоратдан умидвор бўлурлар» яъни, у тижорат ҳаргиз касодга учрамайди, зиёнга кетмайди, бу энг улуғ, олий ва афзал тижоратдир. Бу Аллоҳ таолонинг розилиги, қўплаб савобларни қўлга киритиш, қаҳридан, иқобидан нажот топишдир. Чунки, мазкур амалларни бажарган мусулмонлар уларни Аллоҳнинг розилиги учун, ихлос билан адо этганлар, ўша амалларни бажариш орқали риё, кибр, обрўга эришиш каби ёмон мақсадларни, бузук ниятларни умид қилмаганлар.

Роббимизнинг Каломини доимий равишда ихлос билан тиловат қилиб, оятлари маъносини ўрганишга, намозларимизни тўқис адо этишга, пулимиздан инфоқ, садақа беришга интилайлик. Ана шунда, инshaа Аллоҳ, Аллоҳнинг фазлига, ризосига, мукофотига эришиб, азобидан нажот топамиз.

Аллоҳ таоло барчамизни Ўзининг ҳидоятидан айирмасин ва хотимамизни чиройли қилсин!

«Тафсийрус Саъдий» асосида Нозимжон Ҳошимжон тайёрлади